

ODRŽANA RADIONICA ZA SLUŽBENIKE ZEMLJIŠNOKNJIŽNIH UREDA

13.06.2023 12:52



Federalna uprava za geodetske i imovinsko-pravne poslove je u sklopu Plana edukacija za 2023. godinu organizovala dvodnevnu radionicu za rukovodioce zemljišnoknjižnih ureda i zemljišnoknjižne referente iz općinskih sudova sa područja Federacije Bosne i Hercegovine a koji učestvuju u aktivnostima Projekta registracije nekretnina – Dodatno finansiranje.

Na radionici je prezentiran presjek stanja realizacije projekta Dodatno finansiranje za Projekat registracije nekretnina po katastarskim općinama i očekivani završetak pojedinih katastarskih općina. Učesnici su razmijenili iskustava u postupku uspostave zemljišne knjige po zahtjevu stranaka, a svoja su iskustva prezentirali rukovodioc zemljišnoknjižnog ureda Općinskog suda u Tešnju i zemljišnoknjižni referent Općinskog suda u Sarajevu.

Razgovaralo se također o posljednjim dopunama Zakona o zemljišnim knjigama Federacije BiH - primjena člana 88. stav 3. posljednje izmjene i dopune br.61/22, kao i dosadašnjim drugostepenim odlukama u predmetima zamjene i/ili uspostave zemljišne knjige na podacima novog katastarskog premjera.

